

先代舊事本紀卷第四

地祇本紀

素戔嗚尊與天照太神，共為誓約，化生三之神。

瀛津島姬命。

湍津島姬命。

市杵島姬命。

素戔嗚尊所行無狀，故八十萬諸神科以千座置戶而遂逐矣。

素戔嗚尊率其子-五十猛神，降於新羅曾尸茂梨之處矣。曾尸茂梨之處，纂疏新羅之地名也。按倭名鈔高麗樂曲有蘇志摩利，疑其地風俗之歌曲乎。乃興言曰：「此地吾不欲居。」遂以埴土作船，乘之東渡。到于出雲國簸之河上與安藝國可愛之河上所在鳥上峰矣。

素戔嗚尊到於出雲國簸之河上名-鳥髮地之時，自其河上，箸流下者矣。素戔嗚尊以為人在其河上，而尋覓上往者，聞河上有啼哭之聲，故尋聲往上。有一老翁與老婆，中間置小女而哭矣。

素戔嗚尊問曰：「汝等誰也？何為哭如此之耶？」對曰：「吾是國神，號-腳摩乳。吾妻號-手摩乳。此童女是吾兒，號-奇稻田姬矣。所以哭者，往時吾兒有八箇少女矣，是為高志八岐大蛇，每年來喫。今臨被吞時，故哀傷矣。」

素戔嗚尊問：「其形如何？」答曰：「大蛇一身八頭八尾，各有八岐。眼如赤酸醬，其身生蘿，亦松栢榲檜生於背上。其長度於谿八谷峽八尾，而見其腹者，悉常血爛矣。」素戔嗚尊詔老夫曰：「是汝之女者，奉吾之耶？」對曰：「恐矣，亦不覺御名矣。」素戔嗚尊詔曰：「吾者天照太神之弟也，今自天降焉。」答曰：「隨敕矣。奏請先殺彼蛇，然後幸者為宜也。」

素戔嗚尊立化奇稻田姬為湯津瓜櫛，而插於御髻矣。乃使腳摩乳・手摩乳釀八醞酒八甕。亦造迴垣，則於其垣作立八門，造八假廡，各置槽口而盛酒矣。則隨詔而如此設備而待之。

時八岐大蛇如所言蔓延於八丘八谷之間而至矣。素戔嗚尊敕蛇曰：「汝是可畏之神，不敢饗之乎。」乃以八甕酒得每頭一槽，飲醉而睡伏寢矣。素戔嗚尊乃拔所帶十握劍，寸斬其蛇。

此蛇為八段，每段成雷，總為八雷，飛躍昇天，是神異之甚矣。簸河變血而流。至斬其尾，劍刃少缺。故割裂其尾而視之。中有一劍，名-天藁雲劍。蓋於大蛇所居之上，常有雲氣，故以名焉。

素戔嗚尊曰：「是神劍也。或本作神兵劍。吾何敢私以安乎！」乃遣五世孫-天之葺根神，上奉於天。天之葺根神者，古事記天之冬衣神，素戔嗚尊五世孫也。神名帳云，山城國相樂郡和伎坐天乃夫支實神社。其後日本武尊征東之時，以其劍號曰-草薙劍矣。今在尾張國吾湯市村，即熱田神社所崇之神。

其斬蛇之劍，今則在吉備神部許。神名帳云，備前國赤坂郡石上布都之魂神社。到出雲簸之河上是也。亦云，斬蛇之劍號曰-蛇之巖正，今在石上神宮也。

素戔嗚尊行覓將婚之處，遂到出雲之清地，亦云須賀須賀斯。須賀須賀斯，此云すかすかし，意-清清之。乃詔曰：「吾心清清之。」於彼處建宮之時，自其地雲立騰矣。因作御歌曰：

やぐもた いずもやえがき つまごみ やえがきつく やえがき
八雲立つ 出雲八重垣 妻籠に 八重垣作る その八重垣は

乃與遵合為妃。

所生之兒，大己貴神矣。亦名-八島土奴美神，亦名-大國主神，亦名-清之湯山主三名狹漏彥八島篠，亦名-清之繫名坂輕彥八島手命，亦名-清之湯山主三名狹漏彥八島野。

素戔嗚尊敕曰：「吾見宮首者，即腳摩乳・手摩乳也。」故賜號於二神，曰-稻田宮主神。坐出雲神是也。

復娶大山祇神女，名-神大市姬，生二神。

兒，大年神。

次，稻倉魂神。

素戔嗚尊曰：「韓鄉之島，是有金銀。若使吾兒所御之國不有浮寶者，未是佳矣。」

乃拔鬢髮散之，是成杉矣。

復拔胸毛散之，是成檜矣。

復拔眉毛散之，是成櫟樟矣。

復拔尻毛散之，是成椴矣。

復定當其用。乃稱之曰：「杉及櫟樟，此兩樹者可以將為浮寶也。復檜者可以為瑞宮之材也。復椴者可以為顯見蒼生與津棄尸將臥之具。復夫須八十木種，皆能播生矣。」

素戔嗚尊居熊成峰而遂入於根國矣。

兒-五十猛神天降之時，多將八十樹種須噉子樹種而不殖韓地，盡以持歸。

遂始自筑紫，於大八洲之內，莫不殖播而成青山矣。所謂五十猛命，為有功之神。則紀伊國所坐大神是也。

一說曰，素戔嗚尊之子，

號曰-五十猛命。
妹,大屋姬命。
次,抓津姬命。
凡三神,亦能分布八十木種,則奉渡於紀伊國,及此國所祭之神是也。

大己貴神之平國矣,行到於出雲國之御大御前而且當飲食之時,海上忽有人聲,乃驚而求之,都無所見。
于時,自浪穗乘天籬摩船而有一箇小男,以白藪皮為船,以鷓鴣羽為衣,亦內剝鵝皮剝為衣服,隨潮水以浮到于大己貴命所,而取置掌中而翫之,則跳囓其頰,乃恠其物色,爾雖問其名,不答,且雖問所從諸神,皆為不知。

爾,多邇且久白言:「此者久延彥必知之,多邇且久者,蟾蜍也。」即召久延彥問時,答曰:「此者神皇產靈神之御子-少彥名神。」故爾白上於天神之時,神皇產靈尊聞之曰:「吾所產兒凡有一千五百座,其中一兒最惡,不順教養,自指間漏落者,必彼矣,故與汝葦原色男為兄弟,宜愛養矣。」即是少彥名命是也。
所謂久延彥者,於今者山田之曾富騰者也,即,案山子,稻草人也,此神足雖不行而盡知天下之神者也。

大己貴神與少彥名神戮力一心,經營天下矣。
復為顯見蒼生及畜產,則定其療病之方也,復為攘鳥獸昆蟲之災異,則定其禁厭之法也,是以百姓至今,咸蒙恩賴者矣。
大己貴命謂少彥名命曰:「吾等所造之國矣,豈謂善成乎?」少彥名命對曰:「或有所成,或有所不成。」是談之蓋有幽深之致矣。

于其後,少彥名命行到熊野之御碕,遂摘於常世國矣。
亦云,至淡島而緣粟莖者,則彈渡至常世鄉矣。

大己貴命初與少彥名命二柱神坐於葦原中國如水母浮漂之時,為造號成已訖。
少彥名命渡常世後,國中所未成者,大己貴命獨能巡造矣,遂到出雲國五十狹狹之小汀而興言曰:「夫葦原中國,本自荒芒,至及磐石草木,咸能強暴,然吾已摧伏,莫不和順。」遂因言:「今理此國,唯吾一身而已,其可與吾共理天下者蓋有之乎?」此段據書紀靈劍出現段第五一書。
于時神光照海,忽以踊出波浪末,為素裝束,持天蓑槍,有浮歸來者,曰:「如吾不在者,汝何能平治此國乎?若無我者,何敢造堅建大造之績哉?」大己貴命問曰:「汝命是誰耶,名字云何?」對曰:「吾是汝之幸魂・奇魂・術魂之神也,術魂二字,日本紀無之。」大己貴命曰:「唯,然迺之,汝是吾幸魂・奇魂矣,今欲往何處耶?」對曰:「欲往於日本國青垣三諸山,則大倭國城上郡座是也。」
是故隨神願奉齋於青垣三諸山,即營宮使就而居,此大三輪大神,其神之子,即甘茂君・大三輪君等是也。

大己貴神乘天羽車大鷲而覓妻妾偶下下行於茅渟縣,娶大陶祈女子-活玉依姬為妻,往來之時,人非所之。
而密往來之間,女為奸身之時,父母疑恠問曰:「誰人來耶?」女子答曰:「神人狀來,自屋上零,入來坐,共覆臥耳。」
爾時父母忽欲察顯,續麻作綜,以針釣係神人短裳而明旦隨絲尋覓,越自鑰穴,經茅渟山入吉野山,留三諸山,當知大神,則見其綜遺只有三縈,號-三輪山,謂-大山輪神社矣。

大己貴神兄事八十神也,夫所以奉避此國於大己貴神者,兄弟二神各有欲婚稻羽八上姬之心,共行稻羽之時,於大己貴神負袋,為從者率往,於是到於氣多崎時,裸兔有伏矣,于時兄事八十神謂其兔曰:「汝將為者,浴此海鹽,當風吹而伏高山尾上。」其兔隨八十神教而伏之時,其鹽隨乾其身皮悉風見吹拆,故痛苦泣伏矣,以下據古事記。
其最後來大穴牟遲神,大己貴神,見其兔言:「何由汝泣伏?」兔答言:「僕在於岐島,雖欲渡此地,不由渡傳,故欺海和邇言:『吾與汝競欲計族之多少,故汝者隨其族在皆悉率來,始自此島,迄氣多岐,背列伏渡,爾吾蹋其上,乍走讀渡,爰知與吾族孰多,和邇,此云わに,蓋鯉鯪乎。』如此言者,見欺而列伏之時,吾蹋其上讀渡來,今將下地時,吾云:『汝者我見欺言竟!』則伏最端和邇補吾,悉剝我衣服,因此泣患者,先行事八十神令以誨告:『浴鹽當風伏。』故為如教者,我身悉傷矣。」大己貴神教告其兔:「今急往此水門,以水洗汝身,即取其水門之蒲黃,敷散而輾轉其上者,汝身如本膚必差。」故為如教,其身如本矣,今謂-稻羽素兔,今兔神是也。
于時兔白大己貴神云:「八十神者,必不得八上姬,雖負袋而汝命獲矣!」於是八上姬答八十神云:「不聞汝等之言,將嫁於大己貴神矣。」

因斯事,八十神急欲殺大己貴神,共議而至伯耆國之手向山本云:「赤豬在此山,故吾共追下者,汝待取,若不待取者,必將殺汝!」云而以火燒似豬大石而轉落,爾追下取時,即於其石所燒著而死矣,爾其御主命哭患而參上于天,請神皇產靈尊之時,乃遣訓黑貝姬與蛤貝姬命作活,爾,訓黑貝姬岐佐宜集,岐佐宜,此云きさげ,削貝之狀也,而蛤貝姬侍承而塗母乳汁者,成麗狀夫而遊行出矣。

事八十神且欺率入山而切伐大樹,茄矢打歷其木,令入其木中,則打離其冰木矢而擣殺矣,爾亦其御祖命哭乍求者,得見,即拆其木而取出活矣,御祖命告其子言:「汝有此問者,遂為八十神所滅矣。」乃速遣於紀國之大屋彥神御所,八十神覓追臻而矢刺之時,自木股漏而逃矣,御祖命告子云:「可參向速素彥鳥尊所坐之根之堅州國,必其大神議矣!」

故隨詔命而參到於速素彥鳥尊御所者,其女須勢理姬命出見,為目合而相婚,還入白其父言:「甚麗神來矣。」
而其大神出見而告:「此者謂之葦原色許男。」即喚入而令寢其蛇室,於是其妻須勢理姬命以蛇比禮授其夫云:「其蛇將咋,以此比禮三舉打撥。」故如教者,蛇自靜,故平寢出。

復,來日夜者,入蜈蚣與蜂室,亦授蜈蚣・蜂之比禮,教如先,故平出矣。

復,鳴鏑射入於大野之中,令採其矢,故入其野時,則以火迴燒其野矣,於是不知所出之間,時,鼠來云:「內者富良富良,外者須夫須夫,富良富良,此云ほらほら,空洞狀也,須夫須夫,此云すぶすぶ,急窄之狀也。」如此言,故蹋其處者,落隱入間,火者燒過,爾其鼠咋持其鳴鏑,出來而奉矣,其矢羽者,其鼠子等皆喫矣,於是,須勢理姬者持喪具而哭來。

其父大神思已死訖,出自其野矣,爾持其矢以奉之時,率入家而喚入八田間大室而令取其頭虱之,故爾見其頭者,蜈蚣

多在。於是其妻以牟久木實與赤土，牟久木者，椽木也。令咋其夫。

故咋破其木實含赤土唾出者，其大神以為咋破蜈蚣唾出而於心恩愛而寢。

爾握其神之髮，於室每椽結著而五百引石取塞其室戶，負其妻-須勢理姬。即取持其大神生太刀與生弓矢及天詔琴而逃出之時，其天詔琴拂樹而地動鳴。因所寢大神聞驚而引伏其室，然解結椽髮之間逃矣。

爾追至黃泉平坂，遙望呼謂大己貴神曰：「其汝所持之生太刀・生弓矢，以此事汝庶兄者，追伏坂之御尾，亦追撥河之瀨而意禮為大國主神！亦為顯見國主神！其我之女-須勢理姬為嫡妻而於宇迦能山之嶺，宇迦能山者，宇賀山也。於底津石根宮柱太斯理，斯理，此云しり。於高天原冰椽高知而居是奴也！」

故持其太刀・弓，追避其八十神之時，每坂御尾追伏，每河瀨追撥而始作國矣。

其八上姬者，雖率來而畏其嫡妻-須勢理姬兒所生之子者，刺挾木股。股，或作俣。

故名其子云，木股神。亦名謂，御井神也。

大己貴命將婚高至國之沼河姬，行幸之時，到其沼河姬家。歌曰，云云。如此歌，即為宇伎由比而宇那賀氣理氏，宇伎由比，此云うきゆひ，意結杯也。宇那賀氣理氏，此云うながけり，意合手也。至今鎮坐，此謂神語矣。以上據古事記。

素戔嗚尊。此尊與天照太神共誓約，則所生三女，是爾兒。此據日本紀劍玉盟約段本書及第一，第三一書。

號，田心姬命。亦名-奧津島姬命，亦-瀛姬島姬命，坐宗像奧津宮。是所居于遠瀛島者也。

次，市杵島姬命。亦名-佐依姬命，亦云-中津島姬命。坐宗像中津宮。是所居于中島者也。

次，湍津姬命。亦名-多岐都姬命，亦云-邊津島姬命。坐宗像邊都宮。是所居于海瀛者也。

以上三神，天照太神所生三女之神。「是汝兒也。」因授素戔嗚尊。

則降居於葦原中國，宜降居於筑紫國宇佐島在北海道中，號曰-道中貴。皇太神宮儀式帳云，須佐乃乎命御玉道主命。因教之曰：「奉助天孫而為天孫所祭！」即宗像君所祭也。亦云，水沼君祭並三柱神，宗像君齋祠三前大神也。

次，五十猛命。亦云，大屋彥神。

次，大屋姬神。

次，抓津姬神。

已上三柱，並坐紀伊國。則紀伊國造齋祠神也。

次，事八十神。

次，大己貴神。坐倭國城上郡大三輪神社。

次，須勢理姬神。大三輪大神嫡后也。

次，大年神。

次，稻倉魂神。亦云，宇迦能御玉神。

次，葛木一言主神。坐倭國葛上郡。

兒-大己貴神。亦名-大國主神，亦云-大物主神，亦云-國造大穴牟遲命，亦云-大國玉神，亦云-顯見國玉神，亦云-葦原醜雄命，亦云-八千茅神。並有八名乎。其子凡有百八十一神也。

先娶坐宗像奧都島神田心姬命，生一男一女。

兒，味鉏高彥根神。坐倭國葛上郡高鴨社。一云，捨篠社。

妹，下照姬。坐倭國葛上郡雲櫛社。神名帳云，葛上郡大倉比賣神社，一名-雲櫛社。

次娶坐邊都宮高津姬神，生一男一女。

兒，都味齒八重事代主神。坐倭國高市郡高市社。亦云，甘南備飛鳥社。

妹，高照光姬大神命。坐倭國葛上郡御歲神社。

次娶稻羽八上姬，生一兒。

兒，御井神。亦名-木股神。

次娶高志沼河姬，沼河，或本坐河沼。生一男。

兒，建御名方神。坐信濃國諏方郡諏方神社。

孫-都味齒八重事代主神。

化八尋熊鰐通三島溝杭女活玉依姬，生一男一女。

兒，天日方奇日方命。此命，橿原朝御世，神武。敕為食國政申大夫供奉。

妹，踏鞴五十鈴姬命。此命，橿原朝立為皇后，誕生二兒。

即，神渟名耳天皇。綏靖。

次產，八井耳命是也。

次妹，五十鈴依姬命。此命，葛城高丘朝，綏靖。立為皇后，誕生一兒。

即，磯城津彥御手看天皇也。安寧。

三世孫-天日方奇日方命。亦名，阿田都久志尼命。

此命娶日向賀牟度美良姬，生一男一女。

兒，健飯勝命。

妹，淳中底姬命。此命，片鹽浮穴宮天皇，安寧。片鹽浮穴宮，或本坐輕地曲峽宮。立為皇后，誕生四兒。

即，大日本根子彥耜友天。懿德。

次，常津命。

次,磯城津彥命.
次,手研彥奇友背命也.

四世孫-健飯勝命.此命,娶出雲臣女子-沙麻奈姬,生一男.

五世孫-建甕尻命.亦名,建甕槌命.亦云,建甕之尾命.
此命,伊勢幡主女-賀具呂姬為妻,生一男.

六世孫-豐御氣主命.亦名,建甕依命.
此命,紀伊草姬為妻,生一男.

七世孫-大御氣主命.
此命,大倭國-民磯姬為妻,生二男.

八世孫-阿田賀田須命.和邇君等祖.鴨部.神名帳云,土佐國香美郡大川上美良布神社.倭名抄云,土佐郡鴨部.
次,建飯賀田須命.此命,鴨部美良姬為妻,生一男.

九世孫-大田田禰古命.亦名,大直禰古命.
此命,出雲神門臣女-美氣姬為妻,生一男.姓氏錄云,出雲神門臣,天穗日命十二世孫-鶺鴒湍命後也.

十世孫-大御氣持命.
此命,出雲鞍山祇姬為妻,生三男.

十一世孫-大鴨積命.此命,磯城瑞籬朝御世,崇神.賜-賀茂君姓.
次,大友主命.此命,同朝御世,賜-大神君姓.
次,田田彥命.此命,同朝御世,賜-神部直・大神部直姓.

次,大年神.凡御子十六神.

先娶,須沼比神女-伊怒姬為妻,生子五柱.

兒,大國御魂神.大和神也.神名帳云,大和國山邊郡大和坐大國魂神社三座.日本紀云,崇神天皇六年,先是天照太神和大國魂二神並祭於天皇大殿之內,以日本大國魂神託淳名城入姬命祭.

次,韓神.

次,曾富理神.

次,向日神.神名帳云,山城國乙訓郡向日神社・大歲神社.

次,聖神.

次娶,賀用姬為妻,生子二兒.

兒,大香山戶神.

次,御年神.

次娶,天知迦流美豆姬為妻,生九兒.實十神,蓋奧津彥・奧津姬計一神乎.

兒,奧津彥神.

次,奧津姬神.上記-此二神者,諸人拜祠灶神者也.

次,大咋山神.此神者,坐近淡海比叡山.亦坐葛野郡松尾用鳴鑄神者也.神名帳云,近江國滋賀郡日吉神社.同云,山城國葛野郡松尾神社二座.

次,庭津日神.

次,阿須波神.

次,波比岐神.

次,香山戶神.

次,羽山戶神.

次,庭高津日神.或本云,須庭高津日神.

次,大土神.亦名,土之御祖神.

次,羽山戶神.凡御子八柱.大氣都姬神為妻,生子八柱.

兒,若山咋神.

次,若年神.

妹,若沙那賣神.

次,彌豆麻岐神.

次,夏高津日神.亦名,夏之女神.

次,秋比女神.

次,久久年神.

次,久久紀若室葛根神.或本云,久久記若室葛根神.

